



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina  
Evangelica De Meditatione mortis**

**Kispenning, Henricus**

**Antverpiæ, 1583**

Sententia vi. Pater, sanctifica eos in veritate. xlix.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

## PARACLESIS.

CAPVT  
XLVIII.

**Q**uoniam mundus hic plenus est laqueis, orat D. N. Iesus Christus, ut Pater celestis discipulos suos, virtute nominis sui conseruet in bono, ne deficiant: ut seruet eos ab omni malo ne corruant: & cum ceciderint, ut supponat manum ne collidantur. Hec enim omnia à diuina pendent munificentia. Sed aduerte, quod cū petierit, ut à Deo patre seruentur, ipse id se fecisse affirmat: aequalis se virtutis cum Patre demonstrans. Per rō conseruasse ita discipulos ait, ut nullus eorum prae perditionis filium perierit: ita verò Judam appellans proditorem, quia prauitate perit sua. Itaque diuina gratia, quae difficilia facilia facit, necessario indigemus. Nostra enim vis, nisi diuinitus sustentetur, nulla perstus est: quod Psalmista confirmat, dicens: Nisi Dominus edificauerit domum, in vanum laborauerunt qui edificant eam. Nisi Dominus custodierit ciuitatem, frustra vigilat qui custodit eam. Quare necesse est, ut iugiter magnōq; animo ad acquirendam salutem studeamus: & opem Dei, qua protegamur, orando petamus, cuius auxilio facile aduersarij vires superabimus.

Psal. 36.

Cyrill. lib. 11.  
cap. 23. in  
Ioannem.

Psal. 116.

## SENTENTIA VI.

Pater, sanctifica eos in veritate. Sermo tuus  
veritas est.

## PARACLESIS.

CAPVT  
XLIX.  
Exod. 24.  
Heb. 9. 10.

**I**n veteri Testamento sanctificabatur populus per asperionem sanguinis vitulorū. At qui haec non erat vera sanctificatio: impossibile enim erat sanguine taurorum & hircorum auferri peccata. Ideo Christus in hunc mundum veniens, & carnem de carne nostra verè suscipiens,

cipient, tradidit semetipsum pro nobis oblationem & ho-  
 stiam Deo in odorem suauitatis. Ecce, inquit, venio ut  
 faciam Deum voluntatem tuam, in qua voluntate san-  
 ctificati sumus per oblationem corporis Iesu Christi se-  
 mel. Tanta dignitatis illa una Redemptoris nostri fuit  
 oblatio, ut una ad tollenda mundi peccata sufficeret: qui  
 tantis auctoritate in sancta introiit in sanguine proprio,  
 ut deinceps nulla supplicantium postulatio sanguine in-  
 dingeret alieno. Vera ergo sanctificatio fit per asperisionem  
 sanguinis Iesu Christi: sanguine enim Christi lauamur  
 a peccatis nostris. Porro hac asperio sanguinis Iesu  
 Christi, non fit per hyssopum, sed per Verbum & Sa-  
 cramenta verbo annexa. Itaque cum audis, quod Chri-  
 stus pro peccatis nostris mortuus est: vel quod dicit,  
 Animam meam pono pro ouibus meis: & credis vna  
 fide, iam anima tua sanguine Christi conspergitur &  
 mundatur. Idem fit cum Sacramenta per fidem & in  
 fide suscipis. Quod autem verbo dicit sanctificari: ne  
 aduenveris. Nam quod de doctrina loqueretur, addidit:  
 Sermo tuus veritas est, utpote quod nullum sit in eo me-  
 dacium: quod vere sanctificationis causa sit & instru-  
 mentum. Vides igitur, ubi sanctitatem querere debeas.

Ephes. 5.  
 Psal. 39.  
 Heb. 10.  
 Cyprian.  
 Serm. de  
 circumcis.  
 Domini.

Ioan. 19.  
 Ioan. Ferus  
 in Euang.  
 Ioan.

## SENTENTIA VII.

Pro eis ego sanctifico meipsum: ut sint & ipsi  
 sanctificati in veritate.

## PARACLESIS.

Quid sibi vult, sanctifico meipsum? sanctum sa-  
 crificium offero meipsum. Et quod hostiam sui  
 sanctificaret, dicendo sanctifico: constat ex sequentibus,  
 tam pro eis & nobis omnibus moreretur. Ceterum, quia  
 non clarus fuisse, si dixisset, Pro eis offero meipsum: ma-  
 luit

CAP. I.

Rupert. Tui-  
 cien. lib 12  
 in Ioan.